

水經注匯校卷四十

江西新城楊希閔卧雲校本

後魏 鄺道元 撰

漸江水 斤江水

江以南至日南郡二十水

禹貢山水澤地所在

漸江水出三天子都

山海經謂之浙江也地理志云水出丹陽黟縣南蠻中北
逕其縣南有博山山上有石特起十丈上峯若劍杪時有
靈鼓潛發正長臨縣以山鼓為候一鳴官長一年若長雷
發聲則官長不吉浙江又北歷黟山縣居山之陽故縣民
之漢成帝鴻嘉二年以為廣德國封中山憲王孫雲客王

水經注匯校 卷四十

一

于此晉太康中以為廣德縣分隸宣城郡會稽陳業潔身
清行遁跡此山浙江又北逕歙縣東與一小溪合水出縣
東北翁山西逕故城南又西南入浙江浙江閱案二字
依戴本加又
東逕遂安縣南溪廣二百步上立杭以相通水甚清深潭
不掩鱗故名新定分歙縣立之晉太康中又改從今名浙
江又左合絕溪溪水出始新縣西東逕縣故城南為東西
長溪溪有**四十七瀨**濬流驚急奔波聒天孫權使賀齊討
黟歙山賊賊固黟之林厯山山甚峻絕又工禁五兵齊以
鐵杙椽山升出不意又以白梃擊之氣禁不行遂用奇功
平賊于是立始新之府于歙之華鄉令齊守之後移出新
亭晉太康元年改曰新安郡溪水東注浙江浙江又東北

逕建德縣南縣北有烏山山下有廟廟在縣東七里廟渚
有大石高十丈圍五尺水瀨濬激而能致雲雨浙江又東
逕壽昌縣南自建德至此八十里中有十二瀨瀨皆峻險
行旅所難縣南有孝子夏先墓先少喪二親負土成墓數
年不勝哀卒浙江又北逕新城縣桐溪水注之水出吳興
郡於潛縣北天目山山極高峻巖嶺竦疊西臨浚澗閔案
浚舊
本作後官本戴本山上有霜木皆是數百年樹謂之翔鳳
作峻今依趙本林東面有瀑布下注數晦深沼名曰浣龍池池水南流逕
縣西爲縣之西溪溪水又東南與紫溪合水出縣西百丈
山卽潛山也山水東南流名爲紫溪中道夾水有紫色磐
石石長百餘丈望之如朝霞又名此水爲赤瀨蓋以倒影

在水故也紫溪又東南流逕白石山之陰山甚峻極北臨
紫溪又東南連山夾水兩峯交峙反項對石往往相捍十
餘里中積石磊砢相挾而上澗下白沙細石狀若霜雪水
木相映泉石爭暉名曰樓林紫溪東南流逕桐廬縣東爲
相溪孫權藉溪之名以爲縣目割富春之地立桐廬縣自
縣至於潛凡十有六瀨第二是嚴陵瀨瀨帶山山下有一
石室漢光武帝時嚴子陵之所居也故山及瀨皆卽人姓
名之山下有磐石周迴十數丈交枕潭際蓋陵所遊也桐
溪又東北逕新城縣入浙江縣故富春地孫權置後省并
桐廬咸和九年復立爲縣浙江又東北入富陽縣故富春
也晉后名春改曰富陽也朱箋晉宣穆張皇后諱春華生
景帝文帝故諱春字曰陽而春

秋曰陽秋富春曰富陽也東分爲湖浦浙江又東北逕富春縣南縣故王莽之誅歲也江南有山孫武皇之先所葬也漢末墓上有光如雲氣屬天黃武五年孫權以富春爲東安郡分置諸郡以全琮爲太守平討山越閱案九字依戴本據吳志加官本作以討士宗句突兀故注云此有脫誤趙本依全氏校作以浙江又東北逕亭山趙云據吳書孫策傳堅還葬曲阿此指孫權之父冢當是孫堅冢耳父鍾之冢耳

北過餘杭東入于海浙江逕縣左合餘于大溪江北卽臨安縣界水北對郭文宅宅傍山面溪宅東有郭文墓晉建武元年驃騎王導迎文置之西園文逃此而終臨安令改葬之建武十六年縣

水經注匯校 卷四十

民郎稚作亂賀齊討之孫權分餘杭立臨水縣晉改曰臨安縣因岡爲城南門尤高謝安蒞郡遊縣逕北門以爲難爲亭長浙江又東逕餘杭故縣南新縣北秦始皇南遊會稽途出是地因立爲縣王莽之淮睦也漢末陳渾移築南城縣後溪南大塘卽渾立以防水也縣南有三碑是顧颺范甯等碑縣南有大壁山郭文自陸渾遷居也浙江又東逕烏傷縣北王莽改曰烏孝郡國志謂之烏傷異苑曰東陽顏烏以淳孝著聞後有羣烏助銜土塊爲墳烏口皆傷一境以爲顏烏至孝故致慈烏欲令孝聲遠聞又名其縣曰烏傷矣浙江又東北流至錢塘縣穀水入焉水源西出太末縣縣是越之西鄙姑蔑之地也秦以爲縣王莽之末

理也。吳寶鼎中分會稽立隸東陽郡。穀水東逕獨松故冢。下冢爲水毀其塼。文筮言吉。龜言凶。百年墮水中。今則同龜繇矣。穀水又東逕長山縣南。與永康溪水合。縣卽東陽郡治也。縣漢獻帝分烏傷立郡。吳寶鼎中分會稽置城居山之陽。或謂之長仙縣也。言赤松採藥此山。因而居之。故以爲名。後傳呼乖謬字。亦因改。溪水南出永康縣。縣赤烏中分烏傷上浦立。劉敬叔異苑曰：孫權時永康縣有人入山。遇一大龜。卽束之以歸。龜便言曰：游不量時。爲君所得。擔者怪之。載出欲上。吳王夜宿越里。纜船于大桑樹。宵中樹忽呼龜曰：元緒奚事爾也。龜曰：行不擇日。今方見烹。雖盡南山之樵。不能潰我樹。曰：諸葛元遜識性淵長。必致相。

困令求如我之徒。計將安治。龜曰：子明無多辭。旣至建業。權將煮之。燒柴萬車。龜猶如故。諸葛恪曰：燃以老桑。乃熟。獻人仍說龜言。權使伐桑取煮之。卽爛。故野人呼龜曰元緒。其水飛湍北注。至縣南門入穀水。穀水又東。定陽溪水注之。水上承信安縣之蘇姥布。縣本新安縣。晉武帝太康三年改曰信安。水懸百餘丈。瀨勢飛注。狀如瀑布。瀨邊有石如牀。牀上有石牒。長三尺許。有似雜采帖也。東陽記云：信安縣有懸室坂。晉中朝時有民王質伐木。至石室中見童子四人。彈琴而歌。質因留倚柯聽之。童子以一物如棗核與質。質含之。便不復饑。俄頃童子曰：其歸承聲而去。斧柯濯然爛盡。旣歸質去家已數十年。親情凋落。無復向時。

比矣。其水分納眾流，混波東逝，逕定陽縣，夾岸緣溪，悉生支竹及芳楸木，連雜以霜菊、金橙、白沙、細石，狀如凝雪。石溜湍波，浮響無輟。山水之趣尤深，人情縣漢獻帝分信安立溪，亦取名焉。溪水又東，逕長山縣北，北對高山，山下水際是赤松羽化之處也。炎帝少女追之，亦俱仙矣。後人立廟于山下。溪水又東入于穀水。穀水又東，逕烏傷縣之雲黃山，山下臨溪水，水際石壁傑立，高百許丈，又與吳甯溪水合。水出吳甯縣下，逕烏傷縣，入穀，謂之烏傷溪。水閩中有徐登者，女子化爲丈夫，與東陽縣趙昞竝善。越方時遭兵亂，相遇於溪，各示所能，登先禁溪水，爲不流。昞次禁枯柳柳，爲生。莫二人相示而笑。登年長，昞師事之，後登身故。

昞東入章安，百姓未知昞，乃升茅屋，梧鼎而爨，主人驚怪，昞笑而不應，屋亦不損。又嘗臨水求渡，船人不許，昞乃張蓋坐中，長嘯呼風，亂流而濟。于是百姓神服從者如歸。章安令惡而殺之，民立祠于永甯，而蚊蚋不能入。昞秉道懷術而不能全身，避害事同萇弘、宋元之龜，厄運之來，故難救矣。穀水又東入錢唐縣，而左入浙江。故地理志曰：穀水自太末東北至錢唐，入浙江是也。浙江又東，逕靈隱山，山在四山之中，有高巖洞穴，左右有石室三所，又有孤石壁，立大三十圍，其上開散狀如蓮花。昔有道士長往不歸，或因以稽留爲山號。山下有錢唐故縣，浙江逕其南。王莽更名之曰泉亭。地理志曰：金稽西部都尉治錢唐，記曰：防海。

大塘在縣東一里許郡議曹華信家議立此塘以防海水始開幕有能致一斛土者即與錢一千旬月之間來者雲集塘未成而不復取于是載土石者皆棄而去塘以之成故改名錢塘焉何云自秦時已名錢唐記之言不可信縣南江側有明聖湖父老傳言湖有金牛古見之神化不測湖取名焉縣有武林山武林水所出也闕駟云山出錢水東入海吳地記言縣惟浙江今無此水縣東有定包諸山皆西臨浙江水流于兩山之間江川急濬兼濤水晝夜再來來應時刻常以月晦及望尤大至二月八月最高峩峩二丈有餘吳越春秋以為子胥文種之神也昔子胥亮于吳全云隋人避諱改忠為亮而浮尸于江吳人憐之立祠于江上名曰胥山吳錄云胥山

水經注匯校

卷四十

六

在太湖邊去江不百里故曰江上文種誠于越

何云誠字本是忠字

乃避隋諱此或後人所改

而伏劍于山陰越人哀之葬於重山文種既

葬一年子胥從海上負種俱去游夫江海故潮水之前揚

波者伍子胥後重水者大夫種是以枚乘曰濤無記焉

何云

元人以七發之曲江為浙江蓋因此書引枚生語誤也

然海水上潮江水逆流似神

而非于是處焉秦始皇三十七年將遊會稽至錢唐臨浙

江所不能渡故道餘杭之西津也浙江北合詔息湖湖本

名胾湖因秦始皇帝巡狩所憩故有詔息之名也浙江又

東合臨平湖異苑曰晉武時吳郡臨平岸崩出一石鼓打

之無聲以問張華華云可取蜀中桐材刻作魚形扣之則

鳴矣于是如言聲聞數十里劉道民何云道民宋孝武帝小字詩曰事

有遠而合。蜀桐鳴吳石。傳言此湖草蕨壅塞天下亂。是湖開天下平。孫皓天璽元年。吳郡上言臨平湖自漢末穢塞。今更開通。又于湖邊得石函。函中有小石。青白色。長四寸。廣二寸餘。刻作皇帝字。于是改天册爲天璽。元年孫盛以爲元皇中興之符徵。五湖之石瑞也。錢唐記曰桓玄之難。湖水色赤熒熒如丹。湖水上通浦陽江。下注浙江。名曰東江。行旅所從以出浙江也。浙江又逕固陵城北。昔范蠡築城于浙江之濱。言可以固守。謂之固陵。今之西陵也。浙江又東逕祖塘。謂之祖瀆。何云吳志作查瀆。古查祖通。用又會稽志祖瀆屬蕭山縣。昔太守王朗拒孫策數戰不利。孫靜果說策曰。朗負阻城守。難可卒拔。祖瀆去此數十里。是要道也。若從此出攻。其無備。

水經注匯校

卷四十

破之必矣。策從之。破朗于固陵。有西陵湖。亦謂之西城湖。湖西有湖城。山東有夏架山。湖水上承妖皋溪而下注浙江。案浙江又逕固陵城北。至此原本及近刻並訛在後渡。會稽湊山陰是也。之下又逕永興縣北之上。今據歸有光本。浙江閱案二字又逕會稽山陰縣。有苦竹里。里有舊城。言句踐封范蠡子之邑也。浙江又東與蘭溪合。湖南有天柱山。湖口有亭。號曰蘭亭。亦曰蘭上里。太守王羲之謝安兄弟數往造焉。吳郡太守謝勗封蘭亭侯。蓋取此亭以爲封號也。太守王廙之移亭在水中。晉司空何無忌之臨郡也。起亭于山椒。極高。盡眺矣。亭宇雖壞。基陛尙存。浙江又逕越王允常冢。北冢在木客村。耆彥云。句踐使工人伐榮楯。欲以獻吳。久不得歸。工人憂思作木客吟。後人因以。

名地。句踐都琅邪。欲移允常冢。冢中生分風。飛沙射人。人不得近。句踐謂不欲遂止。浙江又東北得長湖口。湖廣五里東西百三十里。沿湖開水門六十九所。下溉田萬頃。北瀉長江。湖南有覆斗山。周五百里。北連鼓吹山。山西枕長溪。溪水下注長湖山之西嶺。有賀臺。越入吳。還而成之。故號曰賀臺矣。又有秦望山。在州城正南。爲眾峯之傑。陟境便見。史記云。秦始皇登之以望南海。自平地以取山頂。七里懸陞。孤危徑路險絕。記云。扳蘿捫葛。然後能升。山上無甚高木。當由地迴。多風所致。山南有嵯峴峴。裏有大城。越王無餘之舊都也。故吳越春秋云。句踐語范蠡曰。先君無餘國在南山之陽。社稷宗廟在湖之南。又有會稽之山。古

防山也。亦謂之爲茅山。又曰棟山。越絕云。棟猶鎮也。蓋周禮所謂揚州之鎮矣。山形四方上多金玉。下多玦石。山海經曰。夕水出焉。南流注于湖。吳越春秋稱覆釜山之中有金簡玉宇之書。黃帝之遺讖也。山下有禹廟。廟有聖姑像。禮樂緯云。禹治水畢。天賜神女。聖姑卽其像也。山上有禹冢。昔大禹卽位十年。東巡狩。崩于會稽。因而葬之。有鳥來爲之耘。春拔草根。秋啄其穢。是以縣官禁民不得妄害。此鳥犯則刑無赦。山東有湮井。去廟七里。深不見底。謂之禹井。云東遊者多探其穴也。秦始皇登會稽山。刻石紀功。尙存。山側孫暢之述書云。丞相李斯所篆也。又有石匱。山石形似匱。上有金簡玉宇之書。言夏禹發之。得百川之理也。

又有射的山遠望山的狀若射侯故謂射的射的之西有石室名之爲射堂年登否常占射的以爲貴賤之準的明則米賤的闇則米貴故諺云射的白斛米百射的玄斛米千北則石帆山山東北有孤石高二十餘丈廣八丈望之如帆因以爲名北臨大湖水深不測傳與海通何次道作郡常于此水中得烏賊魚南對精廬上蔭修木下瞰寒泉西連會稽山皆一山也東帶若邪溪吳越春秋所謂歐冶涸而出銅以成五劍溪水上承嵯峴麻溪溪之下孤潭周數晦甚清深有孤石臨潭乘崖俯視猿狖驚心寒木被潭森沈駭觀上有一櫟樹謝靈運與從弟惠連常游之作連句題刻樹側麻潭下注若邪溪水至清照衆山倒影窺之

如畫漢世劉寵作郡有政績將解任去治此溪父老人持百錢出送寵各受一文然山栖遯逸之士谷隱不羈之民有道則見物以感遠爲貴荷錢致意故受者以一錢爲榮豈藉費也義重故耳溪水下注大湖邪溪之東又有寒溪溪之北有鄭公泉泉方數丈冬溫夏涼漢太尉鄭弘宿居潭側因以名泉弘少以苦節自居恒躬采伐用貿糧膳每出入溪津常感神風送之雖憑舟自運無仗楫之勞村人貪藉風勢常依隨往還有淹留者徒輩相謂汝不欲及鄭風邪其感致如此湖水自東亦注江通海水側有白鹿山山北湖塘上舊有亭吳黃門郎楊哀明居于弘訓里太守張景數往造焉使開瀆作埭埭之西作亭亭埭皆以楊爲

名孫恩作賊從海來楊亭被燒後復脩立厥名猶在東有銅牛山山有銅穴三十許丈穴中有大樹神廟山上有冶官山北湖下有練塘里吳越春秋云句踐練冶銅錫之處采炭于南山故其間有炭瀆句踐臣吳吳王封句踐於越百里之地東至炭瀆是也縣南九里有侯山山孤立長湖中晉車騎將軍孔敬康少時遜世栖跡此山湖北有三小山謂之鹿野山在縣南六里按吳越春秋越之麋苑也山有石室言越王所游息處矣縣南湖北有陳音山楚之善射者曰陳音越王問以射道又善其說乃使簡士習射北郊之外按吳越春秋音死葬于國西山上今陳音山乃在國南五里湖北有射堂及諸邸舍連衍相屬又于湖中築

塘直指南山北卽大越之國秦改爲山陰縣會稽郡治也太史公曰禹會諸侯計于此命曰會稽會稽者會計也始以山名因爲地號夏后少康封少子杼以奉禹祠爲越世厯殷周至于允常列于春秋允常卒句踐稱王都于會稽吳越春秋所謂越王都埤中在諸暨北界山陰康樂里有地名邑中者是越事吳處故北其門以東爲右西爲左故雙闕在北門外闕北百步有雷門門樓兩層句踐所造時有越之舊木矣州郡館宇屋之大瓦亦多是越時故物句踐霸世徙都瑯琊後爲楚伐始還浙東城東郭外有靈汜下水甚深舊傳下有地道通于震澤又有句踐所立宗廟在城東明里中甘滂南又有玉笥竹林雲門天柱精舍竝

疏山創基架林。裁宇割澗。延流盡泉。石之好。水流徑通。浙江又北。逕山陰縣西。西門外百餘步。有怪山。本瑯琊郡之東武縣山也。飛來徙此。壓殺數百家。吳越春秋稱怪山者。東武海中山也。一名自來山。百姓怪之。號曰怪山。亦云越王無疆爲楚所伐。去瑯琊。止東武。人隨居山下。遠望此山。其形似龜。故亦有龜山之稱也。越起靈臺于山上。又作三層樓。以望雲物。川土明秀。亦爲勝地。故王逸少云。從山陰道上。猶如鏡中行也。浙江之上。又有大吳王。小吳王。邨竝是闔閭夫差伐越所舍處也。今悉民居。然猶存故目。昔越王爲吳所敗。以五千餘衆。栖于稽山。卑身待士。施必及下。呂氏春秋曰。越王之栖于會稽也。有酒投江。民飲其流而

戰氣自倍。所投卽浙江也。許慎晉灼竝言江水至山陰爲浙江。江之西岸有朱室塢。句踐百里之封。西至朱室。謂此也。浙江又東北逕重山西。大夫文種之所葬也。山上有白樓亭亭。本在山下。縣令殷朗移置今處沛國桓儼避地會稽。聞陳業履行高潔。往候不見。儼後浮海南入交州。臨去遺書與業。不因行李繫白樓亭柱而去。升陟遠望。山湖滿目也。永建中。陽羨周嘉上書以縣遠。赴會至難。求得分置。遂以浙江西爲吳。以東爲會稽。漢高帝十二年。一吳也。後分爲三世號。三吳。吳興。吳郡。會稽其一焉。浙江又東逕禦兒鄉。萬善。歷曰。吳黃武六年正月。獲彭綺。是歲由拳西鄉有產兒墮地。便能語。云天方明。河欲清。鼎腳折。金乃生。因

是詔為語兒鄉。非也。禦兒之名遠矣。蓋無智之徒因藉地名。生情穿鑿耳。國語曰：句踐之地北至禦兒是也。安得引黃武證地哉。韋昭曰：越北鄙在嘉興。浙江又東。逕柴辟南。舊吳楚之戰地矣。備候于此。故謂之辟塞。是以越絕稱吳。故從由拳辟塞渡會稽。湊山陰是也。浙江閱案二字又逕永興縣北。縣在會稽東北百二十里。故餘暨縣也。應劭曰：闔閭弟夫槩之所邑。王莽之餘衍也。漢末童謠云：天子當興東南三餘之間。何云三餘餘姚故孫權改曰永興縣。濱浙江。浙江閱案二字又東合浦陽江。江水導源烏傷縣東。逕諸暨縣。與洩溪合。溪廣數丈。中道有兩高山夾溪。造雲壁立。凡有五洩。下洩懸三十餘丈。廣十丈。中三洩不可得。

水經注匯校 卷四十

三

至登山遠望。乃得見之。懸百餘丈。水勢高急。聲震水外。上洩懸二百餘丈。望若雲垂。此是瀑布。土人號為洩也。江水又東。逕諸暨縣南。縣臨對江流。江南有射堂縣。北帶烏山。故越地也。案此下近刻有夫槩王之故邑六字。係重出衍文。先名上諸暨。亦曰句無矣。故國語曰：句踐之地南至句無。王莽之疏虜也。夾水多浦。浦中有大湖。春夏多水。秋冬涸淺。江水又東南。逕剡縣。與白石山水會。山上有瀑布。懸水三十丈。下注浦陽江。浦陽江水又東流。南屈。又東迴北。轉逕剡縣。東王莽之盡忠也。縣開東門向江。江廣二百餘步。自昔耆舊傳。縣不得開南門。開南門則有賊盜。江水翼縣。轉注。故有東渡西渡焉。東南二渡通臨海。並汎單船。為浮航。西渡通東陽。併二

十五船爲橋。航江邊有查浦。浦東行二百餘里。與句章接界。浦裏有六里。有五百家。竝夾浦。居列門。向水甚有良田。有青溪。餘洪溪。大發溪。小發溪。江上有溪六。溪列漑。散入江。夾溪上下崩崖。若傾。東有簞山。南有黃山。與白石三山。爲縣之秀峯。山下衆流泉。導湍石。激波浮險。四注浦陽江。又東。逕石橋。廣八丈。高四丈。下有石井。口徑七尺。橋上有方石。長七尺。廣一丈二尺。橋頭有磐石。可容二十人。坐溪水兩旁。悉高山。山有石壁二十許丈。溪中相攻。轟響外發。未至橋數里。便聞其聲。江水北逕岷山。山下有亭亭帶山。臨江松嶺。森蔚沙渚。平靜浦陽江。又東北逕始甯縣嶧山。之成功嶠。嶠壁立臨江。歛路峻狹。不得併行。行者牽木稍。

進不敢俯視。嶠西有山。孤峯特上。飛禽罕至。嘗有採藥者。沿山見通溪。尋上于山頂。樹下有十二方石。地甚光潔。還復更尋。遂迷前路。言諸仙之所憩。讎故以壇。讎名山。嶠北有嶧浦。浦口有廟。廟甚靈驗。行人及樵伐者。皆先敬焉。若相侵竊。必爲蛇虎所傷。北則嶧山與岷山接。二山雖曰異縣。而峯嶺相連。其間傾澗。懷煙泉。溪引霧吹。哇風馨。觸岫延賞。是以王元琳謂之神明境。事備謝康樂山居記。浦陽江自嶧山東北逕。太康湖。車騎將軍謝玄田居所在。右濱長江。左傍連山。平陵脩通。澄湖遠鏡。于江曲起樓。樓側悉是桐梓。森聳可愛。居民號爲桐亭樓。樓兩面臨江。盡升眺之趣。蘆人漁子。汎濫滿焉。湖中築路。東出趨山路。甚平直。

山中有三精舍高。費凌虛。垂簷帶空。俯眺平林。煙杳在下。水陸甯晏。足爲避地之鄉矣。江有琵琶圻。圻有古冢。墮水甕。有隱起字云。筮吉。龜凶。八百年落江中。謝靈運取甕詣京。咸傳觀焉。乃如龜絲。故知冢已八百年矣。浦陽江又東北。逕始甯縣。西本上虞之南鄉也。漢順帝永建四年。陽羨周嘉上書。始分之。舊治水。西常有浪潮之患。晉中興之初。治今處縣。下有小江。源出岷山。謂之岷浦。逕縣下。西流注于浦陽。苾山下。注此浦。浦西通山陰。浦而達于江。江廣百丈。狹處二百步。高山帶江。重蔭被水。江閱漁商。川交樵隱。故桂棹蘭棧。望景爭途。江南有故城。太尉劉牢之討孫恩所築也。江水東逕上虞縣南。王莽之會稽也。本司鹽都尉。

治地名虞。賓晉太康地記曰。舜避丹朱于此。故以名縣。百官從之。故縣北有百官橋。亦云禹與諸侯會事。訖因相。虞樂故曰上虞。二說不同。未詳孰是。縣南有蘭風山。山少木。多石驛路。帶山傍江路。邊皆作欄干。山有三嶺。枕帶長江。茗茗孤危。望之若傾。緣山之路。下臨大川。皆作飛閣。欄干乘之而渡。謂此三嶺爲三石頭。丹陽葛洪遁世居之。基井存焉。琅琊王方平性好山水。又爰宅蘭風。垂釣于此。以永終朝行者。過之不識。問曰。賣魚師得魚。賣否。方平答曰。釣亦不得。得復不賣。亦謂是水爲上虞。江縣之東郭外有漁浦。湖中有大獨小獨二山。又有覆舟山。覆舟山下有漁浦。王廟廟今移入裏山。此三山孤立水中。湖外有青山。黃山。

澤蘭山重岫疊嶺參差入雲。澤蘭山頭有深潭山影臨水。水色青綠。山中有諸塢有石榭一所。右臨白馬潭。潭之深無底。傳云創湖之始。邊塘屢崩。百姓以白馬祭之。因以名。水湖之南卽江津也。江南有上塘。陽中二里。隔在湖南。常有水患。太守孔靈符。遏蜂山前湖。以爲埭。埭下開瀆。直指南津。又作水榭二。所以舍此。江得無淹潰之害。縣東有龍頭山。山崖之間有石井。冬夏常冽。清泉南帶。長江東連。上陂江之道。南有曹娥。婢娥。父盱。迎濤溺死。娥時年十四。哀。父尸不得。乃號湧江。介因解衣投水。祝曰。若值父尸。衣不當沈。若不值衣。當浮。裁落便沈。娥遂于沈處赴水而死。縣令度尙使外甥邯鄲子禮。爲碑文以彰孝烈。江濱有馬目。

山洪濤。一。上波隱。是山勢淪岷亭。間歷數縣。行者難之。縣。東北上亦有孝子楊威。母墓威少失父。事母至孝。常與母。入山採薪爲虎所逼。自計不能禦。于是抱母且號。且行。虎。見其情。遂弭耳而去。自非誠貫精微。孰能理感于英獸矣。又有吳瀆。破山導源。注于胥江。上虞江東逕周市。而注永興。地理志云。縣有仇亭。柯水東入海。仇亭在縣之東北。十里。江北柯水疑卽江也。又東北逕永興縣。東與浙江合。謂之浦陽江。地理志又云。縣有蕭山。潘水所出。東入海。又疑是浦陽江之別名也。自外無水以應之。浙江又東注于海。故山海經曰。浙江在閩西北。入海。韋昭以松江。浙江。浦陽江。爲三江。

斤江水出交趾龍編縣東北至鬱林嶺方縣東注于鬱地理
志云逕臨塵縣至領方縣注于鬱

案漢書作斤員水

容容 夜 緬 湛 乘 牛渚 須無 無濡 營進 皇無 地零 侵離 無會 重瀨 夫省 無變 由蒲 王都

水經注匯校

卷四十

夫

侵離水出廣州晉興郡郡以太康中分鬱林置東至臨塵
入鬱

融

勇外

此皆出日南郡西東入于海

案近刻重一西字又此十一字原本及近刻並訛作經今

考經文總上二十水見于後此乃注文體例

容容水在南垂石之以次轉北也

右二十水從江已南至日南郡也

案二十近刻訛作三十又此十三字原本及近刻並

訛入注內考經文後云右禹貢山水澤地所在凡六十體例與此同今改正

嵩高為中嶽在潁川陽城縣西北

春秋說題辭曰陰含陽故石凝為山國語曰禹封九山山

土之聚也爾雅曰山大而高曰崧合而言之為崧高分而

名之為二室西南有少室東北有太室嵩高山記曰山下

巖中有一石室云有自然經書自然飲食又云山有玉女

水經注匯校

卷四十

七

臺言漢武帝見因以名臺

泰山為東嶽在泰山博縣西北

岱宗也王者封禪于其山示增高也有金策玉檢之事焉

霍山為南嶽在廬江潯縣西南

天柱山也爾雅云大山宮小山為霍開山圖曰其山上侵

神氣下固窮泉

華山為西嶽在弘農華陰縣西南

古文之帽物山也

雷首山在河東蒲坂縣東南

砥柱山在河東大陽縣東河中

玉屋山在河東垣縣東北也

昔黃帝受丹訣于是山也

太行山在河內野王縣西北

王烈得石髓處也

恆山為北嶽在中山上曲陽縣西北

碣石山在遼西臨渝縣南水中也

大禹鑿其石夾右而納河秦始皇漢武帝皆嘗登之海水西侵歲月逾甚而苞其山故言水中矣

析城山在河東濩澤縣西南

太嶽山在河東永安縣

壺口山在河東北屈縣東南

龍門山在河東皮氏縣西

水經注匯校 卷四十

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

汧山在扶風汧縣之西也

隴山閱案二字舊在下條之首依趙本改正全氏云此篇專釋禹貢而隴山非禹貢所及汧隴相接道元或因汧及隴本注中贖字其後脫落

禹貢北條山也閱案此一句舊注脫趙氏據文例補之

趙云道元既參用馬融王肅之說以西頃為中條嶓冢為南條則宜以汧山為北條

西頃山在隴西臨洮縣西南

禹貢中條山也

嶓冢山在隴西氏道縣之南

南條山也

鳥鼠同穴山在隴西首陽縣西南

鄭立曰鳥鼠之山有鳥焉與鼠飛行而處之。又有止而同穴之山焉。是二山也。鳥名爲鷓似鷄而黃黑色。鼠如家鼠而短尾穿地而共處。鼠內而鳥外。孔安國曰共爲雌雄。杜彥達曰同穴止宿。養子互相哺食。長大乃止。張晏言不相爲牝牡。故因以名山。

積石在隴西河關縣西南

山海經云山在鄧林東河所入也

都野澤在武威縣東北

縣在姑臧城北三百里東北卽休屠澤也。古文以爲豬野

水經注匯校

卷四十

九

也。其水上承姑臧武始澤。澤水二源東北流爲一水。逕姑臧縣故城。西東北流水側有靈淵池。王隱晉書曰漢末博士燉煌侯瑾善內學。語弟子曰涼州城西泉水當竭。有雙闕起其上。至魏嘉平中武威太守條茂起學舍。築闕于此。泉太守填水造起門樓。與學闕相望。泉源徙發。重導于斯。故有靈淵之名也。澤水又東北流逕馬城。東城卽休屠縣之故城也。本匈奴休屠王都。謂之馬城。河又東北與橫水合。水出姑臧城下。武威郡涼州治。地理風俗記曰漢武帝元朔三年改雍曰涼州。以其金行土地寒涼故也。遷于冀。晉徙治此。王隱晉書曰涼州有龍形。故曰龍城。南北七里。東西三里。本匈奴所築也。及張氏之世居也。又增築四

城箱各千步東城殖園果命曰講武場北城殖園果命曰
立武園皆有宮殿中城內作四時宮隨節游幸并舊城爲
五街衢相通二十二門大繕宮殿觀閣采綺妝飾擬中夏
也其水側城北流注馬城河河水又東北清澗水入焉俗
亦謂之爲五澗水也水出姑臧城東而西北流注馬城河
河水又與長泉水合水出姑臧東指次縣王莽之播德也
西北歷黃沙阜而東北流注馬城河又東北逕宣威縣故
城南又東北逕平澤晏然二亭東又東北逕武威縣故城
東漢武帝太初四年匈奴渾邪王殺休屠王以其衆置武
威縣武威郡治王莽更名張掖地理志曰谷水出姑臧南
山北至武威入海屆此水流兩分一水北入休屠澤俗謂

水經注匯校

卷四十

三

之爲西海一水又東逕百五十里入豬野世謂之東海通
謂之都野矣

合離山在酒泉會水縣東北

合黎山也

流沙地在張掖居延縣東北

居延澤在其縣故城東北尙書所謂流沙者也形如月生
五日也弱水入流沙流沙沙與水流行也亦言出鍾山西
行極崦嵫之山在西海郡北山有石赤白色以兩石相打
則水潤打之不已潤盡則火出山石皆然炎起數丈逕日
不滅有大黑風自流沙出奄之乃滅其石如初言動火之
事發疾經年故不敢輕近耳流沙又逕浮渚歷壑市之國

又逕于鳥山之東朝雲國西歷崑山西南出于過瀛之山大荒西經云西南海之外流沙出焉逕夏后開之東開上三嬪于天得九辯與九歌焉又歷員丘不死山之西入于南海

三危山在燉煌縣南

山海經曰三危之山三青鳥居之是山也廣圓百里在鳥鼠山西卽尙書所謂竄三苗于三危也春秋傳曰允姓之姦居于瓜州瓜州地名也杜林曰燉煌古瓜州也州之貢物地出好瓜民因氏之瓜州之戎并于月氏者也漢武帝元鼎六年分酒泉置南七里有鳴沙山故亦曰沙州也朱圉山在天北冀城南

水經注匯校

卷四十

三

卽冀縣山有石鼓開山圖謂之天鼓山九州害起則鳴有常應又云石鼓山有石鼓于星爲河鼓星動則石鼓鳴石鼓鳴則秦土有殃鳴淺殃萬物鳴深則殃君王矣

岷山在蜀郡湔氏道西

漢書以爲瀆山者也

熊耳山

案近刻訛作嶧冢山

在弘農盧氏縣東

是山也穀水出其北林也

荆山在南郡臨沮縣東北

東條山也

趙云導嶧冢至于荆山本相連屬旣以嶧冢爲南條又以荆山爲東條大謬也

卞和得

玉璞于是山楚王不理懷璧哭于基下王後使玉人理之所謂和氏之玉焉

丙方山在江夏竟陵縣東北

禹貢注章山也

大別山在廬江安豐縣西南
外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山于是得金簡玉字之書按省玉字
得通水理也

九江地在長沙下雋縣西北

雲夢澤在南郡華容縣之東

水經注匯校

卷四十

三

東陵地在廬江金蘭縣西北

敷淺原地在豫章歷陵縣西

彭蠡澤在豫章彭澤縣西北

尙書所謂彭蠡既豬陽鳥攸居也

中江在丹陽蕪湖縣西南東至會稽陽羨縣入于海

震澤在吳縣南五十里

北江在毗陵北界東入于海

嶧陽山在下邳縣之西

羽山在東海祝其縣南也

縣卽王莽之猶亭也尙書殛鯀于羽山謂是山也山西有
羽淵禹父之所化其神爲黃熊以入淵矣故山海經曰洪

水滔天鯨竊帝之息壤以堙水不待帝命帝令祝融殺鯨羽郊者也

陶丘在濟陰定陶縣之西南

陶丘丘再成也

荷澤在定陶縣東

雷澤在濟陰成陽縣西北

河水在山陽湖陸縣南

蒙山在太山蒙陰縣西南

大野澤在山陽鉅野縣東北

大邳地在河南成皋縣北

爾雅曰山一成謂之邳然則大邳山名非地之名也

水經注匯校

卷四十

三

明都澤在梁郡睢陽縣東北

益州沱水在蜀郡汶江縣西南其一在郫縣西南皆還入江

荊州沱水在南郡枝江縣

三澨地在南郡郢縣北沱

尙書曰導漢水過三澨地說曰沔水東行過三澨合流觸大別山阪故馬融鄭玄王肅孔安國等咸以爲三澨水名也許慎言澨者埤增水邊土人所止也按春秋左傳文公十有六年楚軍次于句澨以伐諸庸宣公四年楚令尹子越師于漳澨定公四年左司馬戍敗吳師于雍澨昭公二十三年司馬遠越縊于蓬澨服虔或謂之邑又謂之地京相璠杜預亦云水際及邊地名也今南陽滎陽二縣之間

清水之濱有南澁北澁矣而諸儒之論水陸相半又無山源出處之所津途關路惟鄭玄及劉澄之言在竟陵縣界經云卽縣北沱然沱流多矣論者疑焉而不能辨其所在右禹貢山水澤地所在凡六十全氏祖望曰六十之日芟去譌字釐定三澁池之標目斯爲臆合前人讀此書至此大氏以將畢業神疲力索不復細討于是隴山竄入熊耳失職而三澁地且爲寄公矣可發一笑也

水經注匯校卷四十終

福州吳玉田鐫字

水經注匯校

卷四十

三